



Құрметті Бейбіткүл Сәрсемханқызы!

Сізді және Қорқыт Ата атындағы Қызылорда университетінің ұжымын оқу ордасының 85 жылдығымен шын жүректен құттықтаймын!

Қазақ даласындағы алғашқы жоғары оқу орындарының бірі саналатын білім ошағының торқалы тойы бір ұжымға ғана емес, тұтас отандық ғылым мен жоғары білім саласы үшін аса маңызды оқиға.

Шын мәнінде, Қорқыт Ата университеті – тек киелі Сыр өңірінің емес, тұтас еліміз үшін маңызы жоғары іргелі білім ордасы.

Осы жылдар ішінде университетті мыңдаған түлек бітіріп, Қазақстанның барлық саладағы жетістіктерін еселеуге үлкен үлес қосты. Сіздердің оқу орындарыңыздан шыққан ғалымдардың зерттеулері мен ашқан жаңалықтары әлі күнге дейін Отанымызды өркендетуге қызмет етіп келеді.

Тәуелсіздік жылдарында оқу орны егемен еліміздің жоғары білім беру саласын қалыптастыруға зор септігін тигізді.

Қазіргі таңда университет еліміздегі маңдайалды жоғары оқу орындарының бірі ретінде Қазақстанның әлеуметтік экономикалық дамуы жолында сұранысқа ие, бәсекеге қабілетті мамандар даярлап, еліміздің өсіп-өркендеуіне үлкен үлес қосып келеді.

Бүгінде Мемлекет басшысы Қасым-Жомарт Кемелұлы Тоқаевтың тапсырмасымен елімізде жоғары білім беру ісін дамыту жолында ауқымды жұмыс атқарылуда. Осы ретте сіздің университеттің де орны бөлек екенін айрықша атап өткен жөн.

Алдағы уақытта да адами капиталды дамыту жолында жетістіктерге жете берулеріңізге тілектеспін.

Университеттің мерейтойымен құттықтай отырып, Сіздерге зор денсаулық, бақ-береке, толайым табыс тілеймін! Жоғары оқу орнының өрісі кеңейіп, абыройы арта берсін!

Ізгі ниетпен, *М. Әшімбаев* **Мәулен Әшімбаев**

Астана қаласы, 2022 жылғы желтоқсан